

**Namminersorlutik Oqartussat ingerlatseqatigiiffiini whistleblowerit pillugit
aaqqissuussinermik eqqusseqqullugit Naalakkersuisut peqquneqarnissaanik
Inatsisartut aalajangiiffisassaattut siunnersuut.**

pillugu

siunnersuutip aappassaaneerpeqarnerani

Inatsisinut Ataatsimiititaliap

ISUMALIUTISSIISSUTAA

Inatsisinut Ataatsimiititaliap suliarinninnermini uku inuttarai:

Inatsisartunut ilaasortaq Anders Olsen, Siumut, Siulittaasoq
Inatsisartunut ilaasortaq Sofia Geisler, Inuit Ataqatigiit, Siulittaasup tullia
Inatsisartunut ilaasortaq Justus Hansen, Demokraatit
Inatsisartunut ilaasortaq Stine Egede, Inuit Ataqatigiit
Inatsisartunut ilaasortaq Nikkulaat Jeremiassen, Siumut, ataatsimiititaliami sinniisoq

1. Siunnersuut pillugu

Namminersorlutik Oqartussat aktiaateqarluni ingerlatseqatigiiffiini whistleblowerreqarnermik aaqqissuussinerit eqqunneqarnissaannik sulissuteqaqqullugit Naalakkersuisut siunnersuutikkut pisussaaffilerneqarput.

Aktiaateqarluni ingerlatseqatigiiffiit ataasiakkaat ataatsimeersuarneranni whistleblowerreqarnermik aaqqissuussinernik pilersitsisoqarnissaanik Naalakkersuisut kissaateqarnerisigut siunnersuutip atortuulersinneqarsinnaanera siunnersuummut tunngavilersuutini paasissutissiissutigineqarpoq. Siunnersuuteqartup naliliinera malillugu kissaatip taamaattup minnerpaamik aktiaateqarluni ingerlatseqatigiiffinni Namminersorlutik Oqartussanit tamakkiisumik pigineqartuni akuerineqarsinnaanera naatsorsuutigineqarsinnaavoq.

Siunnersuuteqartup siunnersuummut tunngavilersuummini tikkuarpaa whistleblowerreqarnikkut aaqqissuussinerit ingerlatseqatigiiffinnut ataasiakkaanut arlalitsigut pitsaaquteqartut: Whistleblowereqarnikkut aaqqissuussineq assersuutigalugu

ingerlatseqatigiiffiup immikkoortortaani assigiinngitsuni peqquserluttoqarneratigut aningaasanillu atornerluisoqarneratigut inatsisinik unioqqutitsisoqarneranik paasinninnissamut ingerlatseqatigiiffiup aqutsisuisa periarfissaannik nukittorsaataavoq, tamatumani aamma ingerlatseqatigiiffiup ingerlatseqatigiiffissuullunniit (koncern) ilaani nunap avataani inissisimasumi. Peqatigitillugu whistleblowereqarnermik aaqqissuussineq sulisut, pisisartut piginneqataasullu ingerlatseqatigiiffimmik tatiginninnerannik nukittorsaataavoq, kiisalu tusaamasaaneranik kusassaataalluni.

Tamatuma saniatigut inuiaqatigiit suliffeqarfiutaannik pisuussutaannillu sunniutilimmik nakkutilliinerup qulakkeerneqarnissaata eqqarsaatigineqarnissaa siunnersuuteqartup erseqqissaatigaa: Suliffeqarfanni pisortanit pigineqartuni peqquserluttoqannginnera, pissaanermik atornerluisoqannginnera aningaasanillu atornerluisoqannginnera innuttaasut tatigisinnaasariaqarpaat.

Tassunga atatillugu aktiaateqarluni ingerlatseqatigiiffiit Namminersorlutik Oqartussanit pigineqartut ilaannakortumik pigineqartunut pisortat ingerlatsineranni ilaasunut naleqqiullugit allatut inissinneqarnissaat siunnersuuteqartumit tunngavissaqarsorineqanngilaq: Aktiaateqarluni ingerlatseqatigiiffiit ilaannakortumik pigineqartutulli inuiaqatigiinnit pigineqartuupput suliassanillu inuiaqatigiinnut pingaaruteqartunik arlalinnik suliaqartuullutik. Naallu Namminersorlutik Oqartussat suliffeqarfimmik aktiaateqarluni ingerlatseqatigiiffittut imaluunniit ilaannakortumik piginneqataaffittut ilusiliillutik ingerlatsinissamik toqqaasimagaluarpata, suliffeqarfik pisortanit ingerlanneqartoq pineqarpoq.

2. Naalakkersuisut akissuteqaataat

Ingerlatseqatigiiffinnut Namminersorlutik Oqartussanit pigineqartunut whistleblowereqarnermik aaqqissuussinernik pilersitsinissamik pisussaaffiliineq Naalakkersuisunit pitsaasutut nalilerneqanngitsoq Naalakkersuisut akissuteqaataanni allassimavoq.

Taamaalillutik Naalakkersuisut ingerlatseqatigiiffiit pillugit inatsit malillugu akuleruffiginnittussaanginnermut nalinginnaasumut innersuussipput, taamatullu aktiaateqarluni ingerlatseqatigiiffiit Namminersorlutik Oqartussanit pigineqartut aallaavittut aktiaateqarluni ingerlatseqatigiiffinnit pisortanit pigineqanngitsunit ajornerusumik pitsaanerumillunniit inissinneqannginnissaannik Naalakkersuisut tunngaviatigut isumaannut. Immikkut pitsaanerusunik piginnaatitaaffilerneqassanngillat iluaqutissinneqaratillunniit, aammattaarli immikkut piumasaqaateqarfigineqassanngillat.

Naalakkersuisut isumaqarput aktiaateqarluni ingerlatseqatigiiffiit ataasiakkaat aqutsisuisa nammineerlutik, ingerlatseqatigiiffimmik, suliassaqarfimmillu taassuma ingerlatsivigisaanik ilisimasaqarnertik tunngavigalugu tamanna aalajangertariaqaraat.

Tassunga atatillugu Naalakkersuisut erseqqissaatigaat aktiaateqarluni ingerlatseqatigiiffiit Namminersorlutik Oqartussanit pigineqartut siunertamikkut, angissutsimikkut, piginnaasamikkut il.il. assigiinngissutilerujussuusut.

Naalakkersuisut tamanna tunngavigalugu aalajangiiffigisassatut siunnersuutip itigartitsissutigineqarnissaa inassutigaa.

Taamaattorli ingerlatseqatigiiffimmut namminermut peqquserlunnernik inatsisinilluunniit unioqqutitsinernik assingusunik pinaveersaartitsisunik malittarisassiorsinnaanernik isumaliutiginnequsillutik ingerlatseqatigiiffiit siulersuisuinut Naalakkersuisut kaammattuuteqarumapput.

3. Inatsisinut Ataatsimiititaliap isumaliutai

Whistleblowerqarnermik aaqqissuussineq suliffimmi inatsisinik unioqqutitsinerit pillugit – kinaassutsimik isertuussilluni pisinnaasumik - nalunaarutiginninnissamik sulisunut periarfissiivoq.

Ingerlatseqatigiiffiit Namminersorlutik Oqartussanit ilaannakortumik pigineqartut aaqqissuussinermut taamaattumut ilaatinneqarput. Whistleblowereqarnermik aaqqissuussineq Naalakkersuisunit qitiusumik allaffeqarfimmut taassumalu ataani immikkoortunut 2015-imi atuutilersinneqartoq tamatumani pineqarpoq.

Aktiaateqarluni ingerlatseqatigiiffiit Namminersorlutik Oqartussanit pigineqartut pisortat allaffissornerannut ilaatinneqanngillat taamaalillutillu Naalakkersuisut Whistleblowereqarnermik aaqqissuussinerannut ilaatinneqaratik.

Aktiaateqarluni ingerlatseqatigiiffiit Namminersorlutik Oqartussanit pigineqartut ingerlatseqatigiiffiit pillugit inatsimmi malittarisassanut ilaatinneqarput¹, taannalu malillugu siulersuisunit qullersaqarfimmillu aqunneqassallutik.

Ingerlatseqatigiiffiit pillugit inatsisip piginneqataasut ingerlatseqatigiiffimmut assigiinngitsutigut arlalitsigut qisuariaateqarsinnaatippai. Namminersorlutik Oqartussat piginneqataassuteqarnikkut soqutigisaannik isumaginnittutut Naalakkersuisut (Namminersorlutik Oqartussat aalajangiisuusumik sunniuteqartuunerat apeqqutaalluni) ataatsimeersuarnerni siulersuisunik taakkuluunniit ilaannik soraarsitsisinnaapput.

Naalakkersuisut aamma (Namminersorlutik Oqartussat aalajangiisuusumik sunniuteqarsinnaanerat apeqqutaalluni) ataatsimeersuarnerni suliamut sumulluunniit ingerlatseqatigiiffimmi ingerlanneqartumut akulerussinnaapput siulersuisullu innersuussuteqarfigisinnaallugit tamannalu pillugu malitassillugit.

¹ Aktiaateqarluni piginneqatigiillunilu ingerlatseqatigiiffiit pillugit inatsit (ingerlatseqatigiiffiit pillugit inatsit) peqqussut nr. 486, 14. maj 2018.imeersukkut Kalaallit Nunaannut atortuulersinneqartoq

Akuleruffiginninnerilli ima sakkortutigissanngillat akulikitsiginatillu allaat ataatsimeersuarneq ingerlatseqatigiiffiup aquneqarneranik tiguisutut nalilernerqarsinnaalerluni, tassami ingerlatseqatigiiffiit pillugit inatsit malillugu aqutsineq siulersuisuniillunilu qullersaqarfimmiittussaammat.

Tunngaviatigut akuleruffiginnittuussaanninneq pillugu Naalakkersuisut oqaatigisaat tamatumunnga atatillugu isiginiarneqassaaq – aammattaarli ingerlatseqatigiiffiit Namminersornerullutik Oqartussanit-/Namminersorlutik Oqartussanit pigineqartut naalakkersuinikkut aqutsivigineqannginnissaat siunertaralugu aktiaateqarluni ingerlatseqatigiiffeqariaatsip qanga toqqarneqarsimaneranut atatillugu.

Naalakkersuisut Namminersorlutik Oqartussanit pigineqartunik ingerlatseqatigiiffinnik aqutsilluarnissamut najoqqutassiaat atuuttut Whistleblowereqarnermut immikkoortumik imaqarput, tassani ima allassimasoqarluni:

”Nalunaarsuineq pillugu inatsit atuuttoq whistleblower-eqarnissamut akornusiivoq. Naatsorsuutigineqarpoq nalunaarsuineq pillugu inatsit 2013 naatinnagu naleqqussarneqassasoq.

Ingerlatseqatigiiffiit angisuut inatsisitigut tamatumunnga periarfissaqartitsilerpata whistleblower-imik aaqqissuussinernik pilersitsisariaqarput.”

Nalunaarsuisarnermut inatsit 1. december 2016 aallarnerfigalugu inunnut paasissutissanik suliarinnittarneq pillugu inatsimmik taarserneqarpoq².

Tamatuma saniatigut Inatsisinut ataatsimiititaliap Naalakkersuisut qinnuigai, ingerlatseqatigiiffiit Namminersorlutik Oqartussanit tamakkiisumik pigineqartut angisuut sorliit kingorna Whistleblowereqarnermik aaqqissuussinernik pilersitsisimansut paasissutissiissutigeqqullugu. (Ilanngussaq 1)

Whistleblowereqarnermik aaqqissuussinernik pilersitsinikkut ingerlatseqatigiiffinnik aqutsilluarnissamut najoqqutassianik atuuttunik malinninnissamut kaammattuutip aktiaateqarluni ingerlatseqatigiiffiit Namminersorlutik Oqartussanit pigineqartut angisuut ilaannaannit malinneqarsimaneranut tunngaviusoq Naalakkersuisunit qanoq ilisimasaqarfigineqarnersoq Inatsisinut Ataatsimiititaliamit apeqqutigineqarpoq. (Ilanngussaq 1).

Aktiaateqarluni ingerlatseqatigiiffik namminersortitaq Namminersorlutik Oqartussanit pigineqartoq Air Greenland whistleblower-eqarnermik aaqqissuussinernik atuilersimasoq Naalakkersuisut paasissutissiissutigaat (Ilanngussaq 2 aamma 3).

² Inunnut paasissutissanik suliarinnittarneq pillugu inatsisip Kalaallit Nunaannut atuutsinneqalernera pillugu peqqussut nr. 1238, 14. oktober 2016-imeersoq

Aktiaateqarluni ingerlatseqatigiiffinit angisuunit Namminersorlutik Oqartussanit tamakkiisumik pigineqartunit maannakkut KNI kisimiilluni whistleblowereqarnermik aaqqissuussinermik atuisuuvoq. Tele Greenlandimili whistleblowereqarnermik aaqqissuussinermik atuutsitsilerniarluni suliaqartoqarneq maanna aallartinneqarsimavoq.

2020-imi ukiup sisamararterutaani siullermi RAL-imi whistleblowereqarnermik aaqqissuussinermik atuutsitsilertoqarnissaanik apeqquq pillugu aalajangiisoqassasoq naatsorsuutigineqarpoq,³ Royal Greenlandimilu immikkoortortani assigiinngitsuni sunniuteqarnerpaamik atuutsitsilernissap qulakkeerneqarnissaanut periarfissanik siulersuisut maannakkut misissuipput.

INI a/s whistleblowereqarnermik aaqqissuussaqaangilaq, tamanna aaqqissuussinermik taamaattumik atuutsitsilernermi aningaasartuutit qanoq iluaqutaatiginissaanut naleqqiullugit annertuallaartussatut siulersuisunit nalilerneqarsimanerannik pissuteqarpoq. Pissutsit pissusissamisuunngitsut pillugit saaffiginnittoqaraangat taakkuninnga attuumassuteqanngitsut assersuutigalugu Sulisitsisut (GE) imaluunniit kukkunerisuisut suliarinnittarput.

Aktiaateqarluni ingerlatseqatigiiffiit mikinerusut Namminersorlutik Oqartussanit tamakkiisumik pigineqartut akornanni Greenland Holding kisimi whistleblowereqarnermik aaqqissuussinermik atuutsitsivoq.

Great Greenland, Greenland Oil Spill Response, Illuut, Kalaallit Airports Holding, Nuna Oil, Sikuki Nuuk Harbour aamma Visit Greenland taamaattumik atuinngillat.

Tamatumani Naalakkersuisut malillugit aallaavittut ingerlatseqatigiiffiit angissusiat suleqataasullu amerlassusiat isiginiarneqassapput. Naalakkersuisulli paasissutissiissutigaat amerlanerit avataaneersumik, assersuutigalugu ingerlatseqatigiiffiup naatsorsuuserisuanik isumaqattigiissuteqartut, taamaalillutik ingerlatseqatigiiffik sulisuiluunniit pillugit suliat taassuminnga suliarineqarsinnaallutik.

Naak Ingerlatseqatigiiffiit angisuut Namminersorlutik Oqartussanit tamakkiisumik pigineqartut tallimat akornanni taamaallaat ataaseq maannakkut whistleblowereqarnermik aaqqissuussinermik atuilersimagaluartoq, arlallit atuilernissaminnik piareersaateqartungasut ataaserlu kisimi taamak iliorniarani aalajangiisimasoq Inatsisinut ataatsimiititaliamit paasineqarpoq.

Naalakkersuisut Namminersorlutik oqartussanit pigineqartunik ingerlatseqatigiiffinnik aqutsilluarnissamut najoqqutassiaat pituttuisumik malittarisassiaangillat, ingerlatseqatigiiffiilli tamakkiisumik piginnittuannit ingerlatseqatigiiffiit aqutsisinut

³ Ingerlatseqatigiiffiup inaarutaasumik ilusilersorneqarnissaa aalajangernissamut utaqqimaarneqarpoq.

sakkortuumik oqariartornerulluni, whistleblowereqarnermillu aaqqissuussinernik pilersitsinissaq pillugu apeqqummut tunngatillugu sunniuteqarsimasungallutik.


Inatsisinulli Ataatsimiititaliap tamatuma saniatigut maluginiarpaa ingerlatseqatigiiffimmut namminermt pequserlunnernik inatsisinilluunniit unioqquitsinernik assingusunik pinaveersaartitsisunik malittarisassiorsinnaanernik isumaliutiginneqqusillutik ingerlatseqatigiiffiit siulersuisuinut Naalackersuisut kaammattuuteqarumasut.

4. Inatsisinut Ataatsimiititaliap inassuteqaataa

Naalackersuisut aalajangiiffigisassatut siunnersuutikkut aktiaateqarluni ingerlatseqatigiiffinni Namminersorlutik Oqartussanit pigineqartuni whistleblowereqarnermik aaqqissuussinernik eqqussinissamik sulissuteqarnissamik pisussaaffilerneqarput. Naalackersuisut Namminersorlutik Oqartussat aktiaateqarluni ingerlatseqatigiiffiini angisuuni whistleblowereqarnermik aaqqissuussinernik eqqussiniarlutik sulissuteqareersut Inatsisinut ataatsimiititaliamit paasineqarpoq. Inatsisinut Ataatsimiititaliaq isumaqarpoq suliaq taanna ingerlateqqinneqartariaqartoq aallaavittullu Namminersorlutik Oqartussat aktiaateqarluni ingerlatseqatigiiffiitut mikinernut aamma atuuttussanngorlugu annertusineqartariaqartoq.

Ataatsimiititaliap isumaqatigiittup siunnersuutip akuersissutigineqarnissaa inassutigaa.


Inatsisinut Ataatsimiititaliap taamatut oqaaseqaateqarluni siunnersuut aappasaaniigassanngortippaa.




Anders Olsen
Siulittaasoq
Siumut




Sofia Geisler
Inuit Ataqtigiit



Justus Hansen *Demokraatit*



Stine Egede
Inuit Ataqatigiit



Nikkulaat Jeremiassen
Siumut



Ilanngussaq Bilag

17. april 2019

Aningaasaqarnermut Nunanilu Avannarlerni suleqatigiinnermut Naalakkersuisoq
Maani

UPA 2018/140-p ataatsimiititaliamit suliarineqarnerani atugassatut apeqqutit

Asasara Vittus Qujaukitsoq

UPA 2018/140 (Namminersorlutik Oqartussat ingerlatseqatigiiffiini whistleblowerit pillugit aaqqissuussinermik eqqusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut siullermeerinninnerup kingorna Inatsisinut Ataatsimiititaliamut innersuunneqarpoq.

Ataatsimiititaliap suliarinninnerminut atatillugu Naalakkersuisut apeqqutinut ukununga akissuteqaqqullugit qinnuigissavai:

1. Naalakkersuisut Namminersorlutik oqartussanit pigineqartunik ingerlatseqatigiiffinnik aqutsilluarnissamut najoqqutassiaat atuuttut Whistleblowereqarnermut immikkoortumik ima qarput, tassani ima allassimasoqarluni:

"Nalunaarsuineq pillugu inatsit atuuttoq whistleblower-eqarnissamut akornusiivoq. Naatsorsuutigineqarpoq nalunaarsuineq pillugu inatsit 2013 naatinnagu naleqqussarneqassasoq.

Ingerlatseqatigiiffiit angisuut inatsisitigut tamatumunnga periarfissaqartitsilerpata whistleblower-imik aaqqissuussinernik pilersitsisariaqarput."

Nalunaarsuisarnermut inatsit 1. december 2016 aallarnerfigalugu inunnut paasissutissanik suliarinnittarneq pillugu inatsimmik taarserneqarpoq.

Side 1/2

Tassunga atatillugu ingerlatseqatigiiffiit Namminersorlutik Oqartussanit tamakkiisumik pigineqartut sorliit Naalakkersuisunit angisuutut nalilerneqarpat, taakkunanngalu sorliit kingorna Whistleblowereqarnermik aaqqissuussamik pilersitsisimappat?

2. Naalakkersuisut UKA 2011-imi Namminersorlutik Oqartussat aktiaateqarluni ingerlatseqatigiiffinni tamakkiisumik ilaannakortumilluunniit piginnittuunermut tunngasut taakkunanilu ineriartorneq pillugit nassuiaat saqqummiuppaat (UKA 2011/113). Nassuiaammi tassani kapitali 4.8.2. ima paasineqarsinnaasorinarpoq; ingerlatseqatigiiffiit aqutsilluarnissamut najoqqutassianik malinninnissaat aallaavittut naatsorsuutigineqartoq, aammalu malinninneq "malinnigit nassuiaateqarilluunniit" aallaavittut tunngavigalugu pissasoq.
3. Whistleblowereqarnermik aaqqissuussinermik pilersitsinikkut ingerlatseqatigiiffinnik aqutsilluarnissamut najoqqutassianik atuuttunik malinninnissamut kaammattuutip aktiaateqarluni ingerlatseqatigiiffiit Namminersorlutik Oqartussanit pigineqartut angisuut ilaannaannit malinneqarsimaneranut tunngaviusoq Naalakkersuisunit qanoq ilisimasaqarfigineqarpa?

Inussiarnersumik

Anders Olsen
Inatsisinut ataatsimiititaliap Siulittaasua



**Inatsisartut Inatsisinut Ataatsimiititaliaat
/Maani**

**Ilannugussaq
Bilag**

Imm. 140 – Namminersorlutik Oqartussat ingerlatseqatigiiffiini whistleblowerit pillugit aaqqissuussinermik eqqusseqqullugit Naalakkersuisut peqquneqarnissaanik Inatsisartut aalajangliffigsassaattut siunnersuut pillugu Inatsisinut Ataatsimiititaliamit apeqqutinut akissuteqaat

Allakkat ulluaq: 20-05-2019
Suliap
nr. 2018 - 19264
Akt id. 10616031

Asasara Inatsisinut Ataatsimiititaliaq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanaq.gl
www.naalakkersuisut.gl

Apeqqutinut nassiunneqartunut qujanaq. Matuma kingulianiittuni apeqqutit issuarneqarput ataasiakkaarlugillu akissuteqarfigineqarlutik.

”1. Naalakkersuisut Namminersorlutik oqartussanit pigineqartunik ingerlatseqatigiiffinnik aqutsilluarnissamut najoqqutassiaat atuuttut Whistleblowereqarnermut immikkoortumik ima qarput, tassani ima allassimasoqarluni:

”Nalunaarsuineq pillugu inatsit atuuttoq whistleblower eqarnissamut akornusiivoq. Naatsorsuutigineqarpoq nalunaarsuineq pillugu inatsit 2013 naatinngalu naleqqussarneqassasoq.

Ingerlatseqatigiiffiit angisuut inatsiseqarneq tamatumunnga periarfissaqartitsilerpat whistleblowerimik aaqqissuussinernik pilersitsisariaqarput.”

Nalunaarsuisarnermut inatsit 1. december 2016 aallernerfigalugu inunnut paasissutissanik suliarinnittarneq pillugu inatsimmik taarserneqarpoq.

Tassunga atatillugu ingerlatseqatigiiffiit Namminersorlutik Oqartussanit tamakkiisumik pigineqartut sorliit Naalakkersuisunit angisuutut nalilemeqarpat, taakkunanngalu sorliit kingorna Whistleblowereqarnermik aaqqissuussamik pilersitsisimappat?”

Apeqqut aktiaateqarluni ingerlatseqatigiiffinni Namminersorlutik Oqartussanit pigineqartuni piginnittuunermut soqutigisat isumagineqarnerannut tunngassuteqarmat, apeqqut Naalakkersuisut Siulittaasuata Naalakkersuisoqarfianut saqqummiuppara. Naalakkersuisut Siulittaasuata Naalakkersuisoqarfia imatut paasissutissiivoq:

”Aktiaateqarluni ingerlatseqatigiiffiit 100 %-imik Namminersorlutik Oqartussanit pigineqartut qiviraanni oqartoqarsinnaavoq, assersuutigalugu kaaviiaartitanut kisitsisit aamma sulisut amerlassusaat aallaavigalugit Tele Greenland, KNI, Royal Arctic Line aamma Royal Greenland ingerlatseqatigiiffiit sinnerinit malunnartumik anginerusut.

Ingerlatseqatigiiffiit taakkua akomanni KNI-mi aqutsisut paasissutissiipput, whistleblowerinut aaqqissuussisimallutik. Tele Greenlandimi aqutsisut paasissutissiipput whistleblowerinut aaqqissuussinermik atuutsitsilemnessamik sulissuteqarneq aallartissimallugu. Royal Arctic Linemi aamma Royal Greenlandimi aqutsisut nalunaarput maannakkorpiaq whistleblowerinut aaqqissuussisimanatik

Matumuuna erseqqissaatigineqassaaq, ingerlatseqatigiiffinni aqutsilluarnissamut malittarisassat taaneqartut suli atorineqarmata, kisianni taakkua Naalakkersuisup allap ataani ilusilersugaasut kiisalu Naalakkersuisut Siulittaasuata Naalakkersuisoqarfiata malittarisassat iluarsaallugit suliarigai. Siunertaavoq malittarisassanut iluarsaanneqartunut missingiut ukioq manna naammassineqarsinnaasoq."

"2. Naalakkersuisut UKA 2011-mi Namminersorlutik Oqartussat aktiaateqarluni ingerlatseqatigiiffinni tamakklisumik ilaannakortumilluunniit piginnittuunermut tunngasut taakkunanilu ineriartorneq pillugit nassuiaat saqqummiuppaat (UKA 2011/113). Nassuiaammi tassani kapitali 4.8.2. ima paasineqarsinnaasorinarpoq; ingerlatseqatigiiffiit aqutsilluarnissamut najoqutassianik malinninnissaat aallaavittut naatsorsuutigineqartoq, aammalu malinninneq "malinnigit nassuiaateqarilluunniit" aallaavittut tunngavigalugu pissasoq".

Whistleblowereqarnermik aaqqissuussinermik pilersitsinikkut ingerlatseqatigiiffinnik aqutsilluarnissamut najoqutassianik atuuttunik malinninnissamut kaammattuutip aktiaateqarluni ingerlatseqatigiiffiit Namminersorlutik Oqartussanit pigineqartut angisuut ilaannaannit malinneqarsimaneranut tunngavioq Naalakkersuisunit qanoq ilisimasaqarfigineqarpa?"

Apeqput aktiaateqarluni ingerlatseqatigiiffinnut Namminersorlutik Oqartussanit pigineqartuni piginnittuunermut soqutigisat isumagineqarnerannut tunngassuteqarmat, apeqput Naalakkersuisut Siulittaasuata Naalakkersuisoqarfianut saqqummiuppara. Naalakkersuisut Siulittaasuata Naalakkersuisoqarfia imatut paasissutissiivoq:

"Ingerlatseqatigiiffinnik ingerlatseqatigiiffimmi aqutsilluarnissamut malittarisassanik annertunerusumik annikinnerusumilluunniit saneqqutsisoqarsimatillugu, tamanna aaqqissuussamik oqaloqatigiinnerni, ingerlatseqatigiiffimmi aqutsisut aamma Naalakkersuisut Siulittaasuata Naalakkersuisoqarfiata akomanni ingerlanneqartartumi, qaqqineqassaaq. Oqaloqatigiinnerit taakkua erseqqinnerusumik aaqqissuunneqartarneri malittarisassani taaneqartuni taakkunani nassuiarneqarpoq.

Ingerlatseqatigiiffiit ilaasa whistleblowerinut aaqqissuussinermik pilersitsisimanninnerannut tunngavioq Naalakkersuisut maannakkorpiaq ilisimangilaat.

Taamaammat Naalakkersuisut Siulittaasuata Naalakkersuisoqarfiata Royal Greenlandimut Royal Arctic Linemullu allagaqarluni suliffeqarfissuit whistlebloweriqarnermik aaqqissuussinermik pilersitsiniallutik sulinerminni killiffimmik paasissutissiinissaat qinnutigaa. Suliffeqarfissuit akissutaat allaffeqarfimmit Inatsiseqarnermut Ataatsimiititaliamut nassiuunneqassaaq. Tamatumalu saniatigut taakku suliffeqarfissuarnik oqaloqatiginninnerni ilanngunneqassapput."

Neriutigaara Inatsisinut Ataatsimittallap akissuteqaat naammaginatikkaa.

Inussiarnersumik inuulluaqqusillunga

Vittus Qujaukitsoq
Vittus Qujaukitsoq



Ilanngussaq Bilag

Notat Allakkiaq

Til
Uunga

Per Nielsen

Kopi til
Assinga uunga

Nikolai Sten Christensen

26-05-2019
Suliap nr. 2019-3886
Allakkat nr. 10830728

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
e-mail: govsec@nanoq.gl
www.naalakkersuisut.gl

Whistleblower-imik Namminersorlutik Oqartussat aktiaatileqatigiiffiini atuinerup nalilersorneqarnera.

Whistleblower-imik Namminersorlutik Oqartussanit aktiaatileqatigiiffinni atuinerup tunngatillugu namminersorlutik oqartussani aktiaatileqatigiiffiit ataasiakkaat tusarniaaffigineqarsimapput.

Namminersorlutik Oqartussat aktiaatileqatigiiffii tullingguuttut kaaviiartitaat sulisuisalu amerlasusaat naapertorlugit Namminersorlutik Oqartussani aktiaatileqatigiiffiit annerit ilaattut isigineqarsinnaapput. Ingerlatseqatigiiffinni ataasiakkaani aqutsisut Whistleblower-imik atuinerup tunngatillugu Naalakkersuisut Siulittaasuata Naalakkersuisoqarfianut ima nalunaaruteqarput:

Air Greenland

Whistleblower-imik atuineq suliffeqarfimmi atuutsinneqalersimavoq.

Royal Arctic Line

Whistleblower-imik atuineq pillugu 2020-p qaammataani siullerni pingasuni atuutsinneqalissasoq aalajangerneqarpoq, tassani aqutsisut suliffeqarfimmini aaqqissugaaneq inaarutaasumik aaqqissuunneqarsimalissaaq.

Tele Greenland

Ingerlatseqatigiiffik Whistleblower-imik atuinissap atuutsilernissaanik maanna suliaqarpoq.

Royal Greenland

Whistleblower-imik atuineq suliffeqarfimmi atuutsinneqanngilaq. Suliffeqarfissuarmi immikkoortuni assigiinngitsuni pitsaanerpaamik atuutsilernissaa pillugu qulakkeerinninniarnermik aqutsisut misissuipput.

KNI

Whistleblower-imik atuineq suliffeqarfimmi atuutsinneqalersimavoq.

INI

Whistleblower-imik atuineq suliffeqarfimmi atuutsinneqanngilaq. Whistleblower-imik atuinerup pilersitsiniarnermi aningaasartuutit amerlavallaassasut aqutsisut naliliisimapput. Avataanit allanik atuisoqarpoq, soorlu Sulisitsisut kukkunersiusumilluunniit, taakkulu saaffiginnissutaajunnartunik suliaqamissaminut periarfissaqarput.

Namminersorlutik Oqartussat aktiaatileqatigiiffii minnerit Greenland Holding minillugu suliffeqarfimmini Whistleblower-imik atuutsilersimangillat. Tamanna ingerlatseqatigiiffiup angissusaa sulisullu amerlassusaat naapertorlugit isiginiarneqassapput. Ingerlatseqatigiiffiilli amerlanerit ataani pineqartut allamik avataaneersumik atuinissamut isumaqatigiissuteqarsimapput, soorlu ingerlatseqatigiiffiit kukkunersiuisui, ingerlatseqatigiiffimmut tunngasunik ingerlatseqatigiiffimiluunniit sulisunut tunngasunik sulianik nalunaarutiginninnissamut taamaalillutik periarfissinneqarlutik.

Great Greenland

Whistleblower-imik atuneq suliffeqarfimmi atuutsinneqanngilaq.

Greenland Holding

Whistleblower-imik atuneq suliffeqarfimmi atuutsinneqalersimavoq.

Greenland Oil Spill Response

Whistleblower-imik atuneq suliffeqarfimmi atuutsinneqanngilaq.

Illuut

Whistleblower-imik atuneq suliffeqarfimmi atuutsinneqanngilaq.

Kalaallit Airports Holding

Whistleblower-imik atuneq suliffeqarfimmi atuutsinneqanngilaq.

NunaOil

Whistleblower-imik atuneq suliffeqarfimmi atuutsinneqanngilaq.

Sikuki Nuuk Harbour:

Whistleblower-imik atuneq suliffeqarfimmi atuutsinneqanngilaq.

Visit Greenland

Whistleblower-imik atuneq suliffeqarfimmi atuutsinneqanngilaq.

Inussiarnersumik inuulluaqqusillunga
Med venlig hilsen

Lars Balslev